



POLITIKA VOĐENJA JAVNO-PRIVATNOG DIJALOGA

Općina Tešanj



POLITIKA VOĐENJA JAVNO-PRIVATNOG DIJALOGA

Javno-privatni dijalog (JPD) predstavlja jedan od ključnih preduslova za stvaranje povoljnog poslovnog okruženja i celokupan održivi razvoj općine Tešanj. Uspostavljanje i vođenje JPDA predstavlja sastavni dio funkcionisanja lokalne samouprave. U cilju uspostavljanja što kvalitetnijeg dijaloga, općina je osnovala Savjet za lokalni ekonomski razvoj (SLER), koji čine predstavnici privatnog, civilnog i javnog sektora, uključujući predstavnike lokalne samouprave.

VIZIJA

Općina Tešanj ima povoljno okruženje sa razvijenim i tržišno veoma konkurentnim privatnim sektorom, sa kojim se lokalna samouprava redovno konsultuje i zajednički nalazi rješenja za sve aktualne probleme zajednice. Predstavnici privatnog i civilnog sektora daju aktivan doprinos u razvoju Općine Tešanj i zajedno sa predstavnicima javnog sektora sudjeluju u donošenju svih važnih odluka za socio-ekonomski razvoj.

MISIJA

Misija općine Tešanj u području ekonomskog razvoja je da privatnom sektoru osigura pravovremene informacije, kvalitetne savjete, usluge i podršku, te da pospješuje proces lokalnog ekonomskog razvoja, kroz održivi i učestali javno-privatni dijalog, koji vodi ka participativnom upravljanju socio-ekonomskim razvojem općine.

STRATEŠKI PRAVCI RAZVOJA JAVNO-PRIVATNOG DIJALOGA

Općina ima za cilj da razvija, proširuje i unapređuje javno-privatni-dijalog, kroz:

- Aktivno uključivanje predstavnika mikro, malih i srednjih privrednih društava i investitora u konsultacije i procese donošenja odluka o ključnim pitanjima razvoja zajednice;
- Poticanje i unapređivanje organizacijske kulture koja vrednuje mišljenje privatnog sektora i civilnog društva, participativnost, inoviranje, proaktivnost i kontinuirano učenje i razvoj;
- Prepoznavanje i isticanje privatnog sektora i organizacija civilnog društva kao važnog resursa zajednice;
- Motiviranje predstavnika privatnog sektora i civilnog društva da se aktivno uključe u planiranje, implementaciju i praćenje razvoja zajednice;
- Definiranje politika i procedura koje podržavaju i potiču individualnu i organizacijsku efikasnost i efektivnost, kako općinske uprave, tako i privatnog sektora;
- Poticanje privatnog sektora na društveno-korporativnu odgovornost.

ULOGA LOKALNE SAMOUPRAVE U UNAPREĐENJU JPD

Lokalna samouprava **inicira** javno-privatni dijalog i **koordinira** sve aktivnosti koje se tiču njegove organizacije i vođenja. Također, vrši **monitoring** i nadzor nad svim aktivnostima uspostavljanja, vođenja i jačanja javno-privatnog dijaloga.



Općinsko vijeće i Općinski načelnik

U provedbi javno-privatnog dijaloga glavnu ulogu ima Općinsko vijeće koje predstavljaju izabrani zastupnici i donosioci odluka sa zadaćom promicanja razvoja općine. Najodgovornija institucija za uspješno provođenje javno-privatnog dijaloga je Općinski načelnik. Njegova zadaća je da sinhronizovano prati i doprinosi javno-privatnom dijalogu. Općinske službe i TRA Agencija za razvoj općine Tešanj su jedan od instrumenata koje koristi općinski načelnik.

Općinske službe

Vrlo važan aspekt javno-privatnog dijaloga je osiguravanje odgovarajućeg stručnog i kadrovskog potencijala javne uprave, jer su učinkovitost, uspješan institucionalni kapacitet i osposobljenost u općinskoj upravi nužni za učinkovitu komunikaciju između službi i korisnika njihovih usluga koji dolaze iz privatnog sektora. Njihova zadaća je da u saradnji sa SLER-om i TRA-a daju operativnu podršku javno-privatnom dijalogu unutar svojih sektora i pruže pomoć u provedbi aktivnosti javno-privatnog dijaloga u smislu osiguravanja podataka i pojašnjavanja procedura.

SLER (Savjet za lokalni ekonomski razvoj)

Za uspješnu institucionalnu podršku implementaciji javno-privatnog dijaloga je zaduženo Sqavjet za lokalni ekonomski razvoj (SLER) koji je imenovan od strane Općinskog vijeća Tešanj. Zadaća SLER-a je da osigurava kontinuitet rada na javno-privatnom dijalogu, prati proces i pomaže provođenje cjelokupne politike javno-privatnog dijaloga kroz razvoj novih projekata i privlačenje financijskih poticaja. Predlaže i daje preporuke Općinskom vijeću i Općinskom načelniku, u cilju većeg i kvalitetnijeg uključivanja svih zainteresiranih strana. SLER treba poštovati načela transparentnosti, partnerstva i koncentracije sa TRA Agencijom za razvoj općine Tešanj.

TRA – Agencija za razvoj općine Tešanj

TRA Agencija za razvoj općine Tešanj provodi, prati i koordinira javno-privatni dijalog na nivou općine Tešanj i ima ulogu tehničkog tajnika. TRA mora jačati svoje kapacitete, ljudske, a potom njihove vještine i znanje koje je potrebno za planiranje i upravljanje lokalnim ekonomskim razvojem.

Civilni sektor

Civilni sektor može dati svoj doprinos u javno-privatnom dijalogu jer poslovna udruženja ili udruženja poljoprivrednika mogu biti reprezentativni predstavnici nekog sektora, djelatnosti ili većeg broja istomišljenika u ovom dijalogu. Isto tako, unose element civilnog društva u ekonomskom razvoju, zastupajući interese svih građana u području zaštite okoliša, socijalnom i društvenom aspektu razvoja i sl. Osim toga, udruženja imaju iskustvo u pripremi i provedbi projekata i često raspolažu međunarodnim izvorima financiranja, te predstavljaju skupinu koje aktivno utiču na privlačenje financijskih sredstava u općinu i omogućuju financiranje aktivnosti koje državne službe ne mogu pokrivati.

Javna poduzeća/ustanove

Javna poduzeća imaju važnu ulogu u javno-privatnom dijalogu jer svojim radom utječu na poslovanje privatnog sektora, kroz kreiranje ponude na tržištu rada (obrazovne institucije),



evidentiranje ponude i potražnje na tržištu rada (Biro rada), pružanje i naplatu komunalnih usluga (komunalno poduzeće).

Privatni sektor

Uloga privatnog sektora u javno-privatnom dijalogu jest aktivno sudjelovati u oblikovanju povoljnog poslovnog okruženja na lokalnoj razini kroz relevantne i argumentirane prijedloge i kvalitetne povratne informacije sa terena. Nivo angažovanosti privatnog sektora u javnoprivatnom dijalogu utječe i na nivo cjelokupnog privrednog razvoja općine Tešanj, stoga je uloga ovog sektora krucijalna.

AKTIVNOSTI OPĆINSKE SLUŽBE I AGENCIJE ZA RAZVOJ OPĆINE TEŠANJ (TRA) U PODRUČJU JPD-a Jedinica za koordinaciju JPD-a u općini Tešanj

1. Informisanje privatnog sektora

- Obavješćavanje putem saopštenja, zvaničnih dopisa i cirkularnih pisama;
- Informisanje putem pisanih i elektronskih medija;
- Plasiranje svih informacija od značaja putem općinske web stranice, odnosno, web stranice TRA Agencije za razvoj općine Tešanj.

2. Konsultovanje privatnog sektora

- Uključivanje privatnog sektora u proces strateškog planiranja;
- Uključivanje privatnog sektora u praćenje implementacije strateškog plana;
- Anketiranje poslovnog sektora u vezi potreba privatnog sektora, funkcionalnosti servisa koji pruža lokalna administracija, povoljnosti lokalnog poslovnog okruženja i za specifične potrebe i intervencije;
- Periodično posjećivanje privrednika i razmatranje važnih pitanja za razvoj.

3. Savjetovanje privatnog sektora i pružanje konkretne podrške

- Organiziranje edukacije za privatni sektor;
- Kreiranje, razmatranje i predlaganje prijedloga ciljanih intervencija u vezi jačanja konkurentnosti privatnog sektora i poboljšanja poslovnog okruženja;
- Saradnja s privatnim sektorom u vezi implementacije zajedničkih prijedloga;
- Podrška u osiguranju različitih vidova poticaja i subvencija za lokalne privrednike i investitore ;
- Pružanje podrške u pristupanju različitim fondovima;
- Podrška u pripremi i sudjelovanju na sajmovima;
- Pružanje neophodne logističke podrške postojećim i budućim investitorima.

4. Uključivanje privatnog sektora u proces donošenja odluka o razvoju zajednice i unapređenju poslovnog okruženja

- Uključivanje privatnog sektora u odlučivanje o razvojnim prioritetima;
- Uključivanje privatnog sektora u donošenje odluka o svim važnim pitanjima od značaja, uključujući i izgradnju općinske infrastrukture za potrebe privrede i razvoja proizvodnih lokacija.